


Sina Nangaoniko Jokataha



Amazing Facts
Poraiani

3



Na-a an-tanko chadoenggipa ding-pretgipa wal-sareni ning-o aro wal-kuan gaggipa noko jachange donga ine chanchiatbo. Indakgipa obostaoniko nangko naljokatanina mairongpile naa mitelachim uni gimin chanchiate nibo. Chong-mot bebe ong-anide a-gilsako donggipa mande sakantian namen kenbegnio ong-engga. Anc-hing pilakan bakkak ta-rake naljokataniko nanga – apsangipa gandingrangko gangipa manderangchi ong-ja indiba an-chingni salgini Pagipachi naljokataniko nangenga. Isol nang-na inditan ka-sara je Ua An-tangni Depanteko naang-ko jokatna watataha. Iani gimin naa skangonin knaengnaba donga, indiba ian maini gimin chong-mot ong-achim uko na-a ma-sichongmotenggen. Ian maiko chong-mot miksonga aro ian nang-ni janggiko chong-mot ong-e dingtangatna man-genma? Poraie ma-sie ra-bo!

1

Isolara nang-ko simsakbebeama?

Iano Ua maiko aganaha: “Angni nikanio na-a gamchatgipa aro mandera-ani ong-ani gimin, aro anga nang-na ka-saahani gimin.” (Isaia 43:4). “Oe, jringjrotni kasaanichi anga nangna kasaaha” (Jeremia 31:3).



Aganchakani: Isolni nang-na bon-changgijagipa ka-saaniko darang mandeba u-isokja. A-gilsako nang-ni janggisan gimana nanggenchimoba Ua nang-na ka-sakugen. Aro darang gipin papiko jokatna dongjaoba Jisu nang-na An-tangni janggiko on-kugenchim. Uni nikanio na-a gamchatgipa ong-a ine u-ina mamungdakeba gualnabe. Ua nang-na ka-sara aro nang-ni gimin ning-tue simsakaniko daka.

2

Maikai Isol nang-na An-tangni ka-saaniko mesokaha?

"Maina Isol a-gilsakna inditan ka-saaha, ua an-tangni saksa kamkam Depantekon on-jok, maikai uo bebera-gipa sakanti gimagija jringjrotni janggiko man-gen." (Johan 3:16). "lanon Isolni ka-saako an-chingo parape-aha, chong-motan Isol an-tang Depante saksa kamkam ba-giminko a-gilsakona watataha, maikai an-ching uachi tangna man-gen. lanon ka-sara donga, an-ching Isolna ka-saachim, indake ong-ja, indiba ua an-chingna ka-saaha, aro an-chingni paprangni a-sel nangrimatani ong-china an-tang Depanteko watataha" (1 Johan 4:9, 10).

Aganchakani: Isol nang-na inditan ka-saahani gimin, Ua An-tangni saksa kam kam Depanteko duk chakna aro sichakna watataha. Ua nang-oni jringjrotna dingtangna ong-ja. Indakgipa ka-saaniko chu-gimik ma-sina gita namen neng-beani ong-naba donga, indiba Isol iako nang-na dakaha.

Jisuni chisolsako nang-na sichakanian a-gilsak salgisakni itihaso ka-saaniko mesokani dal-batsranggipa ong-ahachim.

3

Maikai Ua nang-gita dake sanababa ka-sana man-aha.

"Indiba an-chingna an-tang ka-saako Isol nama ine mesoka, maina an-ching papi ong-engon Kristo an-chingna sichakaha" (Romrangna 5:8).

Nang-ni paprangko Uni kema ka-na skanio aro nang-ni janggi tanganio dakmajoa mingantini kosako nang-na cheaniko Uni on-na skanio Jisuni nang-na ka-saaniko rongtalen nikna man-a!

Aganchakani: lan saoba iako man-na kraani giminde ong-ja. Saksamangba papni dormahana agre mamungkoba man-na amja, jean siani ong-a (Romrangna 6:23). Indiba Isolni ka-saaniara mamungoba pangchakjaha. Ua cha-ugipa, til-ekgipa aro mande so-otgipanaba ka-sara. Ua an-tangtangni gimin

chanchiaigipa, gisik cha-chipilgipa, aro pekgipa ringaniko ringgiparangnaba ka-sara. Na-a maikoba dakmanahaoba, ba na-a maikoba dakengoba, Ua nang-na ka-sara - aro Ua nang-ko paponiko aro signi sasioniko jokatna nangnikenga.

4

Jisuni sichakaniara nang-na maiko dakaha?

"Nibo, mairongpile ka-saako Pagipa an-chingna on-aha maikai Isolni dedrang ine an-chingko minggen; aro an-ching ong-a" (1 Johan 3:1). "Indiba badita mande uko ra-chakaha, ua uamangna, chong-motan uni bimungo bebero-giparangna, Isolni de ong-china bil on-aha" (Johan 1:12).

Aganchakani: Kristo nang-ni kosako siani sasti on-aniko chu-ongnikatna sichakaha. Ua mande ong-e atchiaha jedakode Ua pilak mandeni saknaa nanganiko man-na nangani gita saknana nanggen. Aro da-o, da-alo, Ua maiko dakaha uni man-gniko nang-na on-enga. Uni pap gri ong-e jannggi tanganiko nang-na on-aha jedakode na-a toromi ine chanako man-gen. Uni sichakaniko nang-ni pilak gual dakanirangna chu-gimikan gamchakaha ine Isol ra-chakaha, aro jensalo Ua nang-na maiko dakaha indin on-ani ine ra-chakon, na-a Isol An-tangni nokdangona Uni detang ong-e rimnapaniko man-gnok.



Maikai na-a Jisuko ra-chakgen aro siaoni janggiona batanggen?

Aganchakani: Nang-ni nanganiko Uo janapanichi aro bebera-anichi.

Minggittamrangkosan ku-rachakaibo:

1. **Anga saksa papibegipa.**
"Pilakan pap kaaha" (**Romrangna 3:23**).
2. **Anga sina gita nangaha.**
"Papni dormaha sia" (**Romrangna 6:23**).
3. **Anga an-tangko jokatna amja.**
"Angna agre na-simang mamungko dakna amja"
(**Johan 15:5**).

Uni ja-mano, minggitamko ku-rachakbo:

1. **Ua angna sichakaha.**
"Ua Isolni ka-saachi darangni a-sel siaiko cha-totgen" (**Ibrirangna 2:9**).
2. **Ua angko kema ka-aha.**
"An-ching an-tantang paprangko kurachakode, an-chingni paprangko watna, aro pilak toromi ong-gijanirangoko an-chingko rongtalatna ua bebegipa aro toromigipa ong-a. (**1 Johan 1:9**).
3. **Ua angko jokataha.**
"Bebera-gipan jringjrotni janggiko man-aha"
(**Johan 6:47**).



Janggiko dingtangatgipa ia bebe ong-anirangni gimin chanchiatbo:

- Angni paprangni a-sel, anga siani sastio ong-na nangha.
- Anga sastiko jringjrotni janggiko gimaatjaskalde gamna amja. Anga jringjrotna sina nanggnochim.
- Anga jekon gamna manja un agro nanga! Indiba Jisu agana, "Anga sestina gamchakgen. Anga nang-ni palo sichakgen aro nang-na man-gniko on-gen. Na-a nang-ni paprangna sina nangjawaha."
- Anga Uni onaniko rachaka! Je somoionin anga angni gro nanganiko kurachaka aro angni paprangna sichakaniko rachaka, anga Uni depante ongaha! (lan namen altuagipa ong-a, ong-jama?)





6

la indin on-gipa janggi jokaniko man-na an-ching maiko dakna nanga?

“Uamang Jisu Kristoo gnanggipa piokachi indinari uni kasaachi toromi inako mana”

(Romrangna 3:24). Maina niamni kamrangna agre mande toromi inako man-a ine an-ching chana”
(Romrangna 3:28).

Aganchakani: Janggi jokaniko indin on-ani ine ra-chakanisan mangmang na-a dakna man-gen. An-chingni bamani kamrang toromi inako man-na an-chingko dakchakjawa maina anchingde pap kamanaha aro sina kraaha. Indiba jerangan janggi jokanina bebero-e bi-gen uko man-gen. Papibegipa mandeba bang-gija papko ka-gipa mande gitan chu-gimik ra-chakako man-aha. Nangni batanggimin paprangko nang-ni kosako chantaijawaha! Gisik ra-bo, Isol sakantinan apsan dake ka-sara aro am-gipanade kema ka-aniko on-a. “Maina ka-sao bebero-achi na-simangko jokataha; aro ua na-simangoni ong-ja, Isolni on-asa; pilakba gaorade-jachina, ua kamoni ong-ja”
(Ehpesusrangna 2:8, 9).

*Na-a papo
sripengama? Na-a Uko
am-genchimode, Jisu
nang-ko jokatgen.*



7

Jensalo na-a bebera-achi Uni nokdango bak ra-ahaon, maidakgipa dingtanganiko Jisu nang-ni janggi tanganio ong-ata?

"Uni gimin saoba, Kristoo dongode, ua gital dakgimin ong-a; gitchamrang gimaaha; nibo, uarang gital ong-aha" (2 Korinthisrangna 5:17).



Aganchakani: Jensalo na-a Kristoko nang-ni ka-tongo ra-chakon, Ua nang-ni gitcham paparigipa janggi tanganiko gimaatani kamko dakna a-bachenggen aro nang-ko gisikni gita gitalgipa janggi tanganiona ong-atgen. Katchae, naa dosi aro matnangaoni rasongni jakgitel ong-anio janggi tangna a-bachenggnok, aro papo gitchamgipa janggi tangani nangna mitchignigipa ong-skagnok. Na-a nikna man-gen je minute sa Isol baksa janggi tanganio janggi tanga gimik diabolni nokkol ong-ana bate kusi ong-bataniko man-gen. Ian mairongpilgipa on-sreani ong-gen! Maini gimin manderang iako ra-chakna ru-utatenga?


8

Ia dingtanggipa janggi tanganiaara gitchamgipa papo janggi tangana bate chong-motgipa kusi ong-batani ong-genma?

Jisu aganaha, "Angni katchaa maikai na-simangon ong-gen, aro na-simangni katchaa maikai chu-sokgen, uni giminan anga na-simangna iarangko aganaha" (Johan 15:11). "Depante na-simangko jakgitel ong-atode, na-simang jakgitel chong-mot ong-gen" (Johan 8:36). "Uamang maikai janggiko man-gen, aro chu-soke man-gen, uni gimin anga re-bara" (Johan 10:10).

Aganchakani: Bang-an indine chanchia je an-tangtangko jena nangani gimin Kristian janggi tanganio kusi ong-ani dongjawa. Uni bikpil ong-aniaara ong-chongmota! Jensalo na-a Jisuni ka-saako, katchaani nang-ni ning-o ong-gen. Jensalo rakgipa somoirang re-baahaon, Kristian mande Isolo ka-dongatanio aro bil gnange cheaniokatchana aro nangani somoio dakchakaniko man-gen (Ibriirangna 4:16).

*A-gilsako katchaaniko
Kristian nokdangni kusi aro
katchaani baksa
tosusaana
man-ja.*




9

Kristianrangni pilak dakna nangako na-a an-tang dakna man-genma?

"Kristo baksa anga chisolo datkapako man-aha; angade tanggipa ong-jaha, indiba Kristoan anga tangenga" (Galatirangna 2:20). "Angko bilakatgipao anga pilakkon dakna ama" (Philippirangna 4:13).

Aganchakani: Iano Kristian janggi tanganina dal-batsranggipa aiao inmanani donga: Kristian ong-e Jisuni janggi tanganiko nang-o chotchanggija jokjringatanian nang-ni dakna nangani ong-a. Uano "namatna antangko draatani" dongja! Uni palo, bamanian nang-ni janggi tanganio Isolni ka-saanina kakketgipa aganchakani ong-a. Isoloni atchigipa ong-e, gitalgipa mande ong-e, na-a Una kata manina sikgen maina Uni janggian nang-ni janggio bak ong-atako man-skagnok. Nang-ni ka-sagipa mandeko namnikatnara mamung baljrimani dongja; lan kusi ong-ani ong-a! "Nangni namnikako dakna anga ka-sroka, O angni Isol, Oe angni ka-tongo nang-ni niam donga" (Gitrang 40:8).




Jensalo Jisu nang-ni janggi tanganio napeon, Uni aiao inmangipa bil baljrimaoniko katchaani ong-gipa bamaniona dingtang ong-atskaa.

10

Iani miksonganiara Ge-eta Niam Mingchikkungkoba manina rakdukjawama?

"Angna ka-saode, indide na-simang angni ge-etanirangko manibo" (Johan 14:15). "Maina ian Isolna kasara, chongmotan uni geetanirangko mania; aro uni geetanirang jrimja" (1 Johan 5:3). "Indiba je mande uni kattako mania, uon Isolna ka-sara chu-sokchongmotaha" (1 Johan 2:5).

*Nang-ni chong-motgipa
ka-sagipa mandeko
namnikatna mamung
jrimani dongja.*



Aganchakani: Sastro bamaniko Isolna chong-motgipa ka-saani baksa kaaha. Kristianrang Ge-eta Mingchikkungko rakkina neng-nikjawa. Jisuni sichakanichi nang-ni pilak paprangko pindapahan baksa, nang-ni bamaniara nang-o donggipa Uni chegipa janggi tanganio ja-dil su-utako man-aha. Nang-ni janggiko dingtangatna nang-ni Una ka-saniara inditan ning-tuaha je na-a Ge-eta Mingchikkungni nanganirangni nalsaonaba re-angnaba man-gen. Na-a pangnan Uni namnikako u-ina Sastroko am-jringgen, aro na-a nang-ni Una ka-saniko parakna bang-bate cholrangko am-na jotton ka-gen. "Aro an-ching jeko bi-a uoniko man-a; maina an-ching uni ge-etanirangko mania, aro uni nikanio namnikako daka" (1 Johan 3:22).

11

Maikai na-a Ge-eta Mingchikkungko rakkienganiara niamko manina draatja ine ma-sina gita am-gen?

"Ianon rongtalgiparangni, chong-motan Isolni ge-etaniko aro Jisuko bebera-ako rakkigiparangni, chakchika gnang." (Parape-a 14:12). "Aro Mes Bi-sani an-chini gimin, aro uamangni sakki on-ani kattani gimin uamang uko amaha; aro uamang siaona kingking janggitangtangnaba ka-sajaha" (Parape-a 12:11).

Aganchakani: "Niamko kingkot dake mania" ine aganon janggi jokaniko indin on-ani ine ra-chakani pal ian nama kamrangko dakanichi janggi jokaniko man-na jotton ka-ani ong-a. Sastroo rongtalgiparangko mingbri cholonrangchi u-ie ran-a man-a: (1) Ge-etanirangko rakkigen, (2) Mes Bi-sani an-chio ka-donggen, (3) Sakgipinrangna an-tangtangni bebera-aniko sualgen, aro (4) Pap ka-ani pal sina basee ra-gen. Iarangan chong-motgipa Jisuna ka-sagipa aro Uni skarango ja-rikgipa mandeni chinrang ong-a.



*Janggi jokaniko
man-na Ge-eta
Mingchikkungrangko
rakkianira
chu-sokgijanio aro
ka-dongani gri
ong-anio bon-egen. Na-a
papkko ka-ahani gimin
janggi jokaniko man-nara
ja-manchakdukaaha!
Indiba je mandean janggi
jokaniko indin on-ani ine
ra-chakaha uade Isolni
niamrangna bamani
ramarango re-rurana kusi
ong-gen.*

12

Maikai na-a namedake u-ina man-gen je Kristo baksa nangrimanio bebero-ani aro ka-saaniara bariangna man-gen?

"Na-simang Sastrooniko am-bo" (Johan 5:39). "Dondikgija bi-bo" (1 Thessalonikarangna 5:17). "Uni gimin na-simang jedake Kristo Jisu Gitelko ra-aha, uandake re-rurabo" (Kolosirangna 2:6). "Anga salanti sia" (1 Korinthisrangna 15:31).



Aganchakani: Isol baksa agangrika gride nangrimaniko dakania silrorojawa. Bi-ani aro Sastro poraianirangan Isol baksa agangrikani ong-a, aro Unbaksa nangrimanio dal-rorona uarang nangchongmotgipa ong-a. Uni Kattan "ka-saani chitti" ong-a jean salantio nang-ni gisikni gita janggi tanganiko aldumitangna nang-ko skatgen. Bi-achi Unbaksa agangrikani dakaniara nang-ni olakkianiko ning-tubatatgen aro nang-ni gisikko Uni gimin u-ie ra-na sikbatatgen. Na-a kusiniko man-na gita aiao inmagipa Uni ka-saanirangko am-e nikgen. Indiba gisik ra-bo, minggipin gita paltangni nangrimanio ka-saani gimaataniara salgiko nokkol itaniona pil-atskaani gita ong-a. Jensalo an-ching Kristona aro Uni dakmesokanina ka-sana gita dontongahaon, toromde manichina draatgipa niamrang gitasa ong-aignok.

*Na-a Uni ka-saani
sakgipinrangna suale on-on
nang-ni Jisuna ka-saaniba
ning-tubatorrogen.*



13

Maikai na-a Unbaksa nangrime janggi tanganio dingtangani gimin sakantina u-iatna man-gen?

“Uni gimin uni siana baptize ka-achi an-ching un baksa gopako man-aha; jedake Kristo Pagipani rasongchi sigiminrangoni chakatpilako man-aha, uandake an-chingba maikai janggini gital ong-ao re-ruragen ... An-ching maikai papni nokkol ong-jawaha” (**Romrangna 6:4, 6**). Maina rongtalgipa me-tra ine Kristona on-na, anga na-simangko segipa saksana ku-pakaha” (**2 Korinthingrangna 11:2**).



Aganchakani: Napbolani Kristoko ra-chakgipa mandeni janggi tanganio minggittam nangchongmotanirangko mesoka: (1) Papna siani, (2) Kristoo gitalgipa janggi tangna atchiani, (3) Jisu baksa jringjrotna gisikni gita “bia ka-ani.” la gisikni gita nangrimaniara jena kingking an-ching ka-saanio dongkamgen bilake aro su-utbate dal-rorogen.

Isol an-chingni gisikni gita bia ka-aniko mohor su-a.

Jisu baksa nang-ni gisikni gita bia ka-aniko mohor su-aha, Isol nang-ko watgaljawa ine ku-rachakaniko dakaha (**Gitrang 55:22; Mati 28:20; Ibrirangna 13:5**), saani aro an-sengbaljokani somoio nang-ko simsakna aro nirokna (**Gitrang 41:3; Isaia 41:10**), aro pilak nanganirangko onna jean nangni janggi tanganiko rikna mangen (**Mati 6:25-34**). Na-a jedake bebera-achi Uko ra-chakaha, mikkangchi pilakna Uo ka-dongjringbo aro Ua nang-ko mamungdakeba watgaljawa.



14

Da-on na-a Jisuko nang-ni janggi tanganio ra-chakna aro gitalgipa janggi tangna a-bachengna sikengma?

Nang-ni Aganchakani:

Nang·ni Sing·anirangna Aganchakaha

1. Maikai saksa mandeni sichakaniara pilak mande jatni paprangna daiko gamaha?

Aganchakani: Maina “an-ching pilakan pap ka-aha” (**Romrangna 3:23**) aro maina “papni dormahara sia” (**Romrangna 6:23**) ni gimin, atchichigipa mandena maiba dingtangmancha dakna nangani dongaha. Jeni janggi tanganan pilak mandeni jat baksa apsan ong-gijagipasanmangmang pilak mandeni jatni paprangna sichakna man-gen. Jisuan Ong-atgipa aro pilak janggini Nokgipa ong-ani gimin, Uni janggiko on-chakanian pilak manderangni janggirangna bate dal-bata jedakode jringjrotna tangna man-gen. “Uni giminba uchiko Isolona sepangbagiparangko jokatsrangna ama, maina ua uamangni a-sel mol-molchakna jringjring tanga.” (**Ibrirangna 7:25**).

2. Anga Kristoko ra-chakode aro Uni kema ka-aniko man-ahaoba, ga-aktaiode angara kema ka-aniko man-taigenma?

Aganchakani: An-chingara an-chingni paprangna duk man-ode aro uarangko ku-rachakode Isolni kema ka-aniko man-na Uo pangnan ka-donggen. “An-ching an-tangtang paprangko ku-rachakode, an-chingni paprangko watna, aro pilak toromi ong-gijarangkoniko an-chingko rongtalatna ua bebegipa aro toromigipa ong-a” (**1 Johan 1:9**). **Mati 6:12** koba nibo.

3. Maikai anga angni papo ong-engpition Isolona re-bana man-gen? Angna bi-chakna kamal ba pamong nambatjawama?


Aganchakani: Jisu mandeni jat baksa be-en pil-e dongaha aro an-ching gitan “dakmajoako” (**Ibrirangna 4:15**) man-aha aro chegipa (**Johan 16:33**) ong-aha. Ua anchingni paprangko kema watna mana; anching kamal ba pamongko uko dakna gita nangja. Unbaksana, **1 Timothy 2:5** o an-chingna dingtangmancha dake aganaha je uano Isol aro manderangni gisepo Baltichakgipa saksasan dongaia, ua Mandeara Kristo Jisu ong-a. “Kristo Jisuan sigipa, batesa sigiminrangoni chakatatako man-gipa ong-a” (**Romrangna 8:34**), “Uni gimin an-ching ka-saani singhasonona kenmangija sepangna hai” (**Ibrirangna 4:16**).

4. Isol angko jokataha ine dakchakna uano anga maikoba dakna man-genma?

Aganchakani: Man-jawa. Uni miksonganiara ka-sachakanian gapgipa miksangani ong-a (**Romrangna 3:24; 4:5**) lan “Isolni onasa” (**Ephesurangna 2:8**). lan bebe ong-a maina Isol an-chingna ka-sachakaniko bebero-achi on-aha, Ua an-chingna skaniko aro Una bamna bilkoba on-aha. lan Uni niamrangna ka-sao bamna dakchakgen. Uni gimin ia bamaniba Isolni jakgitele ka-sachakaoni ong-bara! Katta maniani, dangdike onani aro kasae bamanian chongmotgipa sninggipa onganiko dake niani ong-a aro Kristo Jisuo donggipa bebero-aniaa ong-telaigipa biteko ong-ata.

5. Jensalo Isol angni papko kema ka-ahaon, angara an-tangko maiba daggipa sasti on-aniko dakna nangkugenma?

Aganchakani: **Romrangna 8:1** o agana, “Uni gimin dao Kristo Jisuo donggiparangna mamung matnanga dongja.” Jisuan an-chingni niam pe-anina chu-gimik daiko gamchakaha, aro jerangan iako bebero-o ra-chakaha rongtalaniko man-na mamung gisik pilani kamrangko dakna nangjawaha maina Jisuan, “an-chingni



papragoniko an-chingko su-srangaha" (**Parape-a 1:5**).

Isaia 43:25 o ia nambegipa ku-rachakaniko سوالها, "Angan, angan, an-tangni a-sel nang-ni niam pe-anirangko kimitgipa ong-a, aro nang-ni paprangko anga gisik ra-jawa." **Mika 7:18, 19** o Isol, An-tangni bon-kame nang-ko pap kema ka-aniko mesoka: "Namgija dakaniko kema ka-e an-tang man-rikgnini dongsparangni niam pe-aniko watchanggipa nang gita Isol sawa gnang? Ua an-chingna pil-e ka-sachaktaigen; ua an-chingni namgija dakanirangko jakokkimaogabergen; oe, na-a uamangni pilak paprangko sagalni tu-ao galatgen."

Nang.ni agananiko ba sing.anirangko iano sebo



01



02



03



04



05



06



07



08



09



10



11



12



13



14

Poraiani lesson 14 rangoni ia lesson sa ong-a!

Lesson prakan chong-motgipa aiao inmanirang baksa gapatako man-aha jean nang-ko aro nang-ni nokdangko dingtangtgen aro nang-na baikamgipa ka-donganiko ra-bagen.

Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljokatani

Poraiani 09: Rongtalani & Bil!

Poraiani 10: Sianiara Sibebani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. **Isol salgini pilakkon mandena dal-gipa on-ani ine rudapatjahama? (1)**
 Sastro
 Uni Mondoli
 Kristo Jisu
 Niam
2. **A-gilsakni dal-batsranggipa ka-saaniko mesokaniko nikna man-ahaniara (1)**
 Pittarang aro natokrang
 Jisuni chisolsako sichakani
 Pentecost
 Pitorni pap ku-rachaka
3. **Kristoni chisolsako sichakaniara (1)**
 Sakantinan
 Toromirangnasan mangmang
 Namgijanasan mangmang
 Janggi jokaniko sesogiminrangnasan
4. **Sakosa Isol namnikbata? (1)**
 Mondoli memberrangko
 Dararirang aro cha-ukokrangko
 Sakantinan aplan
 Atchitaigipa Kristianrangkosan
5. **Kristoni mandeni nokdango atchina nanganiara (1)**
 Papna daiko gamna
 Baditana an-chingara bilgria uko u`ina
 Namgipa mistri ong-na
6. **Janggi jokaniko man-nade mandeara (1)**
 Sastroko poraina nanggen
 Mondolini ong-na nanggen
 Dingtang dingtang ku-sikrangko aganna nanggen
 Uko on-ani ine ra-chakna nanggen
7. **An-chingara jokatako (1)**
 Namgipa kamrangchi man-aha
 Ka-sachakanichi man-aha
 Skanichi man-aha
8. **Pap kema ka-ani aro ra-chakani an-chingko (2)**
 Pap ka-angkuna man-a ine u-ina dakchakgen
 Kusi ong-anina duk man-aniko jegalaniko u-ianiona dilanggen
 Katchaani aro tom-tomaniko u-ianiona dilanggen.
 Jringjirotni janggini gimin ka-donganiko u-ina dilanggen
9. **Bamaniara iano pangchakgen (1)**
 Norokna kenani
 Ripengskaragoni ra-chakaniko man-na skani
 Jisuni dongkamjringa/Jisuna ka-saani
10. **Kristian mandeni cholon, ba ge-etanirangko rakkianiara (1)**
 Niamko maniani ong-na
 Chong-motgipa gisik pil-ani biterangoni mingsa ong-na
 Gamchatgijani ong-na.

11. Kristona bia ka-aniko (1)

ToRomrangna noko donganichi mesoka

Napolachi mesoka

Jakrani jako bia ka-ani ringko gananichi mesoka

Jik gri donganichi mesoka

**13. lan angni janggi tanganio angni Jisuko
ra-chakna aro gital atchinaskani onga.**

Ong-a

Ong-ja

Angade dakmanaha

**12. Kristo baksa ka-saanio dongna
dal-batsranggipa minggni cholrangara (2)**

Salantio Sastroko poraiani

Jakgitele on-anirangko on-ani

Wak been cha-aniko gelatani

Bi-ani gisik dongjringani

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :		State :		Country :
Pin :		Bilsi :		Misi :

Nang.ni contact info-ko tik dake on.bo